

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: He whakatangi puoro

Aronga: Toi Puoro 1.2B

Paerewa Paetae: Toi Puoro 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

I tēnei ngohe, ka tūhura, ka whai koe i ngā tukanga toi puoro ki te whakarite whakaaturanga whakatangi puoro.

Te horopaki

Ko tāu nā mahi he whakarite whakaturanga whakatangi puoro.

Ka mahi ā-rōpū koutou ki te ako, ki te whakawai i tētahi waiata nā koutou anō i kōwhiri/tito rānei, kātahi ka tukua i mua tonu i te minenga.

Ka aromatawaingia tāu whakaatu māramatanga ki ngā tukanga toi hei whakarite whakaaturanga whakatangi puoro.

Hei mahi

Ko te tikanga ia, kua oti kē i a koutou te tūhura, te matapaki i ētahi taonga puoro i ngā akoranga kua pahure ake. Ko tā koutou ināianei, he mahi ā-rōpū ki te ako i tētahi waiata mō tā koutou whakarite whakaaturanga whakatangi puoro. Kei a koutou te tikanga me he waiata nā tētahi atu i tito, he titonga hōu, ka kōmitimiti i ngā mea e rua rānei.

Whakamaheretia tā koutou rautaki. Kia whai whakaaro koutou ki ngā wā whakaharatau ā-rōpū, te arohaehae me te whakatikatika tae atu ki te whakarite i ngā huānga katoa kia rere ai.

Whakaritea tāu nā whakaaturanga kia tukua i mua i tētahi minenga.

Kōrero Āpiti

tukanga toi	<p>Ko ngā tukanga ngā hātepe ka whāia kia tutuki ai tētahi whāinga.</p> <p>Hei tēnei ngohe, ko ngā tukanga toi puoro katoa tērā e hāngai ana ki ngā mahi whakatangi/tito waiata.</p>
-------------	--